

盛京時報附張

號八十三百二第 張分取不 文拜禮

號八十三百二第

端制軍列國政要序 (續)

乃者天運少遷列強復重其難當其遺一介之使往居人國名為通聲問如蟻動之營於幽壤人弗之察期月探獲所述已多待事而發無以爲禦殘戮天下震耀肌魄羣詫其爲兵請謁之使以事往赴者亦惟兵之是求豈知兵所由強固不在兵即吾春秋之世數大強國地醜德齊亦必於兵力之外別有所以無敵者是可即晉楚之明之楚莊王時晉不競於楚必之役至欲避楚士會善之曰楚商農工賈不敗其業而卒乘輯睦百官象物而動軍政不戒而備舉不失德賞不失勞老有加惠旅有施舍君子小人物有禮章貴有常尊賤有等威德立刑行政時典從禮順若之何敵之左宣十一年傳晉悼公時楚大敵於晉謀於秦聯子囊止之曰晉君舉不失選官不易方其卿讓於善其大夫不失守其士競於教其庶人力於農穡商工皂隸不知遷業當是時也晉不可敵左襄九年傳夫晉楚二強同至於不可敵而二國之所以料敵者未嘗揚揚其兵之雄也君之明臣之肅民生之樂業法制立而忠勤編於吏民有不可敗之政自有不可敗之兵不必其徒云兵也春秋諸臣於觀敵也至深而於察鄰政也至詳呂成公會言之曰子囊歷數晉國之政如親立於晉朝士會歷數楚國之政如親立於楚朝兩國各有復心之臣五觀兩國之政洞見其骨髓是以晉楚霸業各至於百年(詳呂祖謙左氏傳說卷七)旨哉斯言余反復其文屢眷斯義馳而西每懷靡及殷憂縈心欲有以扶長宗邦遠其害診則列強確立之格範必由之徐徑固示我周行人所咨詢咨詢者也然則是書之申何所謂每國辦異之以周知天下之故者非耶庶知言之君子有以覽其得失也光緒丁未三月溧陽端方 (已完)

●直督查拿演說革命之學生(續) 前天津探訪局總辦楊以德具稟直督略謂訪聞天津府屬出洋留學生□□等回津後在本籍學堂開會演說詞近革命若不嚴行查禁恐將來各堂學生受其煽惑後患不堪設想可否由局派員暗中探訪遇有學堂演說宗旨悖逆者即稟請查辦以儆效尤并請飭下提學使及巡警局一體嚴密查禁等情當奉袁宮保批示如下 查國家銳意興學原爲造就人才起見若如所稟各情殊於世道人心大有妨礙應准如擬嗣後各屬學堂無論教員學生集衆演說倘有詞近革命致傷國體者一經該局密訪明確即節暗查照同學董錄清演詞當場拿辦以遏亂萌仰即遵照并候候提學司保定警務處天津巡警局分別轉飭各屬學堂巡警一體嚴密查禁以期力挽瀆風仍不得任意羅織抄由批發

●羅正鈞簡放山東提學使原因(山東) 正任天津府羅太守正鈞之得簡山東提學使係由楊蓮帥所電奏略謂此間學務亟宜從速整頓提學司得人則學務因之完備查羅正鈞與臣共事多年學識兼優倘蒙破格特簡來東實東省學務之幸云云

●匪黨不靖(山東) 曹匪陳土地爺自正法後地方稍爲平靜近聞沂沭兩屬又迭出劫案且出沒無常則捕甚爲棘手

●暫罷涪河(山東) 日前楊運帥籌款八萬兩擬涪河一事暫作罷論

●湘省平糶事已議妥(湖南) 湘省購運川米原係官紳合議其款各認一半紳界係余慶康肩任自余革職後紳款無著日昨善後局司道在席少保嗣遍請紳商議辦法惟余未到嗣由楊學等婉商請善後局暫肩其任俟川米平糶得價填還司道不得已允之今城廂內外已經分處平糶每升錢三十三文小民購者甚形踴躍云

●鄂垣嚴防匪黨之意見(湖南) 近日藩司李方伯獻議鄂督謂江漢三埠戶口以百萬計設有匪黨藏匿何從得知擬飭警局按段清查戶口俾便分期照冊核對以免外匪托足聞中堂意雖謂然第恐辦理不善轉滋騷擾擬從最要處下手故巡查較昔加嚴十倍矣

●集議求雪秋瑾冤獄(浙) 越郡秋瑾女士正法未明何罪案皆駭異前由金華查得匪徒所供與大通學堂聯合等語乃省之大通地方學堂以致誤會釀成彈傷慘劇巨禍刻經被害學生之父兄等邀集紳學商界電致都中同鄉官及東京留學界商議具稟撫轅求請昭雪

●各商會議參預商約紀事(上海) 本埠商務總會商學公會因中國與各國開議商約華人有無受虧之處不得而知一經議定簽約如有虧損已成鐵案莫可挽回商約大臣議約之時應由商人公舉代表參預其間方爲有益爰於昨日午後二時假座愚園邀集各商開一特別大會以爲議約之預備到者約二百人由孟庸生馬湘伯諸君相

●江蘇新軍秋操之準備(京) 第九鎮江南新軍於本年秋季間大操一事前有作罷之議茲悉江督端帥仍決計舉行業已飭屬準備一切並飭上海製造總局趕造新毛瑟槍子六十萬顆以便臨時濟用

●護粵督籌議舉行地方自治(廣東) 去年岑雲帥在粵任時即派鄧令振鄧赴香山申明籌辦地方自治事宜當時所定計畫係擬在廣州府屬擇定一處先行試辦俟有成效即推行各處漸及全省自雲帥去粵此議遂停茲護督胡方伯又復提前議決計在各處分別試辦所擬辦法大概仿照去年所議辦理惟格外注意宣講一事其宣講法係擇地設立公所派生員前往實行宣講法政各事項云

●衛潮鐵路准予立案(廣東) 張弼士京卿前擬建築廣廈鐵路旋因首段線與九廣路線相同暫行停築現張京卿擬劃除廣九路線改由中道辦理自惠州府屬之石灣墟起直達歸善海豐陸豐潮州府屬之惠來普甯揭陽海陽等縣自饒平之黃岡墟止改名惠潮鐵路另擬創辦招股章程並繪成圖幅具文咨呈農工商部郵傳部當經部中將所擬章程會同酌核定准予奏明立案矣

●賑濟水災(直隸) 通州一帶直至蘆溝橋附近村莊現被水患已誌前報現蒙直督部堂委賑撫局張鄭兩觀察並派委十三員以及差弁護勇十六名督院派差官二員戈什十名兵十名押解銀元二百八十萬枚制錢五千吊現限四兩洋銀一千四百餘元銀四百六十五包於二十五日由津運往通州蘆溝橋賑濟災民又由船載運銅子三萬吊制錢一萬吊亦運該處應用

●閩督嚴加防備(福建) 閩督校軍自晚撫被害後時有戒心現在衛參之期以天氣炎熱爲詳概行免見如有要緊公事聞須由藩臬面稟至於各局總會辦提調各員有概不接見之說

●衍聖公奏報到差摺 襲封衍聖公臣孔令貽跪 奏爲恭報微臣到差日期繕摺仰祈 聖鑒事竊臣欽奉 諭旨會同稽查山東學務當即叩謝 天恩陛辭出京於五月初六日行抵山東省城撫臣楊士驥先已奉到 廷寄督率司道出郊跪請 聖安臣祇以在京數月定省久疏遂於次日先回曲阜旋於六月初二日馳回濟南會晤撫臣籌商一切伏查東省學堂經前升撫臣袁世凱經營創始籌辦最早風氣漸開近年復經撫臣楊士驥遵奉 欽定學務章程督飭各府州縣加意整頓以期日起有功臣由都回東經過各州縣順便查閱各處學堂具有規模學生亦極樸實尚無浮囂習氣惟東魯爲禮義之邦興學乃當今急務舉凡聲光化電皆待研究兵農工商悉資考察取材固貴倫理而尊親值此時局艱難亟宜力求振奮臣仰蒙 聖恩派查學務自當會同撫臣和衷共濟認真經理俾士習日進文明顯去其鋼蔽恪守聖賢傳之義廣收東亞西歐之長共樂 甄陶成臻上理以期仰副 聖主興學育材之至意除候各學堂暑假期滿照常上課臣即由省週履稽查會同撫臣隨時 奏明辦理外所有微臣回東到差日期謹恭摺具陳伏乞 皇太后 皇上聖鑒訓示再臣經過地方二麥收成中稔秋禾亦均長發民情安謐堪以仰慰 宸廑合併陳明謹 奏奉 硃批知道了欽此

●法國盛衰記 (四十九) 却說俄國。約合各國。併力伐法。當時英國。普國。瑞典國。皆許幫助俄國。同心共濟。所不許俄人。惟法命是從的國。祇有丹墨。及日耳曼境中之各小國而已。然法以新敗之後。獨力實形微弱。是斷不能與列邦抗拒的。縱有他國相幫。亦但有幾個小國。並無有一個大國。人有恆言。小不敵大。弱不敵強。各大邦同起傾國之兵。法國這時。真是危如累卵了。這且不在此下。單說拿破命。當兵在俄國的時候。分明敗陣。乃往夕虛張聲勢。反說屢獲大勝。國中人民。無不歡喜異常。及到了回國的時節。十人之中。死去八九。拿破命知到不能再爲掩飾。乃盡以實情。宣告於衆。並言欲再出兵。爲衆人報仇。且又曉民以大義。法國的人民。平日本極信服他。知到他善於用兵。這回敗陣。想是天時不順。地勢不合。非全是拿破命一人之過。所以雖然父哭其子。兄弟其弟。仍然不生怨恨。尙願助以兵力。拿破命見民心不散。遂又傳下號令。另招新軍。豈知連年動兵。國中少壯。身材長大的人。已多死於鋒鏑。這時又招新軍。不是年齡過長。就是年齡過幼。所以就延時日。不能足額。拿破命聞各國連兵。恐怕久廢時光。如列國兵來。無從抵禦。於是特改革程。凡年及十七歲以上。及身長足英度五尺一寸。皆可入選。一千八百三十三年四月。即中歷嘉慶十八年。新軍告成。計共得兵二十萬人。拿破命用兵的長技。專以先發制人爲尚。法國新軍告成的時候。俄奧兩國的連兵。已到了厄爾白河。普兵英兵及瑞典的兵。尙未出國。拿破命探得這個消息。乘各國大兵未合。乃親身統帥二十萬人。星夜疾馳。直抵厄爾白河。以攻俄奧之營。俄奧兩國。出於不意。拿破命倏忽而來。真有疾雷不及掩耳之勢。再者拿破命。本非常人。善於調度。雖兵士多些黃口孺子。又且未經訓練。然經拿破命親自指揮。莫不勇氣百倍。動中機宜。又且出俄奧兩國之不意。一戰而兩國皆敗。俄奧本久知拿破命爲絕世英雄。今見其大兵飄忽而來。心中益發畏懼。於是不敢再戰。遣使至法營。願求罷兵修好。拿破命知俄奧已有懼法之心。故意延遲。以柔其氣。那知止在議約之間。普兵又與俄奧相合。普人德意俄國。不可因一戰偶敗。遂與議約。俄人以又添一國之兵。胆力亦壯。即將和約之議。作爲罷論。下了戰書。率領精壯。再與法師大戰於髮薄西。法皇雖號能軍。然終以兵弱之故。連戰皆北。拿破命遂退出日耳曼境。(未完)